

說文第十一編

黑太子南征牒卷上

吉義

此書科南全摹司各德述英國未開化時事。尙勇重美人。若畫眉蟋蟀之鬪。均爲其雌鬪也。顧其人。均愛國。名爲英人。抵死未示其宗國之弱。所謂無嚴諸侯。憑聲必反者。近之矣。嗟夫。讓爲美德。讓不中禮。卽謂之示弱。吾國家尙武之精神。又事事爲有司。遏抑公理。不伸。故皆無心於公戰。其流爲不義。而死之市。或臨命高歌。未有所懼。使其太衣食稍足。加以教育。甯不可使之制敵。果人人當敵。不懼前殲。後踵。國亦未有不强者。日本之取金州。搏俄人。死人如麻。氣皆弗餒。蓋自視一人之身。一日本也。身死而同志繼之。雖百人死而一人勝。即可謂之日本勝耳。英人當日之視死如歸。卽以國爲身。不以身爲身。故身可死。而國不可奪。然教育尙未普及。而英人之奮迅已。如此。發吾國人之腦力。勇氣。豈後於彼。顧不能强者。卽以讓不中禮。若要師德之。睡而待。苟有稱者。則知荏弱。夫不可與語國也。悲夫。

閩縣林子容於宣南望瀛樓

黑太子南征錄卷上

英國科南達利著

閩縣林紓
仁和魏易同譯

第一章

波婁大禮拜寺鐘聲忽大動四圍皆叢樹餘音穿樹而出尙悠揚於林外林外有地曰黑灘窮兒之拾煤於其間及埃及司漁家皆聞此聲此聲聞之甚常猶人之聞鴉啼鵠噪也惟今日之鐘拾煤者及漁家却愕然相顧視以午禱既過晚禱未來安有此聲樹影受日既非叢疊而黑又非遠引而長此鐘又奚動者鐘聲動處道人咸白衣紛紛入林而去在馬栗樹及樺樹間時時見白衣隱見道侶本散處於外或有所執事一聞鐘聲皆舍業而奔昨日之晚已有急足傳諭各堂約以明日大集道侶已得諭坐候矣此等非常舉動村間老民亦不數聞而數見見之乃自巴諾克本之戰事後久不聞此聲矣堂外之人果未嘗窺足是間乃不知其堂之廣博但以今日道

侶核之。卽知其足以容人者。其地爲非小也。凡入林道侶。咸駢肩行。卽其衣飾。咸可辨其執業。其中有數人。袖上沾葡萄汁。則沽酒家也。或以巨斧析薪。荷之而返。尤有一人。挾巨翦刀。襟上尙零星落其羊毳。此外荷鋤者爲尤夥。尙有人引巨筐。新得之鯉魚。以明日爲禮拜。五爲道侶食魚之期。入時人人咸有倦容。然主座伯爾格什御道侶嚴。自待亦刻苦。人人爭肆力自効。無敢私逸。此時主座方父手於胸。徘徊低首。行於千人廣座之外。主座消瘦。額多皺紋。二輔內縮。足見其力。尅人世情慾。雖已勝之。然亦羸憊不堪。雖尪羸如枯臘。而眉睫張時。眼光凶射。足知此老主座之身實自百戰殺人中來也。若不信者。但觀其同產之兄弟。巴索。魯密。歐寶。星。尙。威。振。歐洲之大將也。曾以聖喬治十字架。大纛旗。樹巴黎城外者。卽爲此主座之手足。主座旣令鳴鐘。鐘聲止。主座敲銅錘。其聲鏗然。卽見一道人至。主座操英法夾雜之語。謂之曰。道侶集乎。道人合十。低首言曰。集矣。主座曰。無一人乞假耶。道人曰。三十六優級。十五新入道者。惟馬光兄弟。以病熱莫至。以弟子來傳言。主座曰。我不聽其言。無

論有病與否。吾令之卽當來。今日廟中紀律過寬。乃肆無忌憚。卽爾佛藍昔司之身。當同道誦經之時。汝高聲犯清規者可兩次。汝知罪乎。佛藍昔司合十。莫敢仰其首。主座曰。我罰汝誦一千徧亞母司經。誦時伸其兩手。面聖母馬利亞前。勿息勿息。此經誦後。爾方知上帝造人。但有一口兩耳。兩耳較諸。一口爲用大也。今司新入道者。常住之人安往。佛藍昔司曰。尙在外廂。主座曰。趣入。佛藍昔司遂引一人入。既胖且侏。貌頗安詳。神宇間似有權力。入曰。神甫宣弟子乎。主座曰。幾羅姆。吾有事屬爾。此罪律定後。幸勿外宣。爲俗間傳播其醜。惟立法須令衆人知懼。方足守此清規。此時主座操口語。用臘丁文。以幾羅姆執業。高非操臘丁之文。不足以崇體制。幾羅姆曰。弟子之意。此新學者。勿令入聞。爲佳。此等人性質未定。一聞女人之名。不知自戒。淫律轉動色心。非法也。主座歎曰。女也。女也。無怪吾道中稱女子爲萬惡之根株。自夏娃。至於今日。無數孽緣。均女人構之。今來訟者爲誰。幾羅姆曰。爲安伯羅斯兄弟。主座曰。此人年少。乃信道彌堅。幾羅姆曰。在新學者中。足爲儀式。主座曰。此次舉成例。

以定讞。令書記及副書記引大衆入。以年鬢高下定坐次。令原告安伯羅斯被告約翰隨大衆入堂。幾羅姆曰。新學者如何取神甫進止。主座曰。令彼聚於大殿之北廡下。令湯麥司誦經與聽。勿令彼東西張望。幾羅姆奉令出。主座仍垂首參經典。此時道侶魚貫入分兩翼。依壁下坐。主座據高座。左右亦設兩高座。雕琢不如主座之良。兩座中一爲幾羅姆。一爲正書記。中立者爲顏色慘白瘦挺之道人。立時甚踧踖。手中執訟詞。自叩其額。主座引目。擗視兩壁之道侶。道侶無論老少。咸靜坐。但以顏色辨之。足見人人未嘗操心以任事也。主座觀畢。卽注目此中立之人。言曰。安伯羅司兄弟舉發罪狀者汝也。吾願今日上帝監臨。助我得罪人之實際。汝所訟者凡幾款。安伯羅司戰栗言曰。至聖之神甫弟子所訟者可三款。主座曰。汝訟詞如式書耶。安伯羅司曰。盡書於是中。主座曰。汝以訟詞上書記。長老宣約翰兄弟入聽訟詞。令下後。卽有一道人。敢關兩道人。挾一年少新學者入。其人魁碩黑眼而赤髮。入時甚驕。抗長巾已。背落腦後。領緣盡敵頸脖。最巨肌膚粗如松皮。長袖中露巨臂。狀似多力。

道衣掀其襟角納之腰。輕兩脅博大毛被其上。且多創痕。見主座但一鞠躬貌頗輕鄙。主座退立一小儿之前。以手按之挺立不動。微微以目注射。原告書記此時起立。展其訟詞讀時。其音甚抗。方書記讀時。卽聞衣裳瑟縮聲似道侶皆屏息而聽者。書記曰。我主降生一千三百六十六年禮拜二日安伯羅司兄弟訟約翰兄弟三罪。今當主座及列座兄弟前宣其訟詞第一款。卽於禮拜二日爲教門佳節。凡新學者咸賜麥酒。舊例每四人共一科戒。加倫^{分之四}約翰兄弟一人盡四人之酒。抗而不讓。保羅兄弟破佛里兄弟及安伯羅司兄弟皆不與飲。語至此兩座人皆掩口胡盧而笑。主座仍抗顏弗動。書記又曰。幾羅姆兄弟見狀以爲非禮。罰彼兩日中食糠豆各半之麪包爲摩尼加聖人茹素。此時安伯羅司卽聞約翰肆詈。謂當以數萬惡鬼引聖人。摩尼加去匪特。聖人摩尼加無論何人。强我茹素。必以惡鬼引去之後。此安伯羅司兄弟以其語爲瀆。止之約翰兄弟卽擰其髮入魚池中溺之。據安伯羅司兄弟訟詞中。言其時候可誦亞母司經至四徧。之久方出此第二款也。兩壁道侶皆大驚。主座

聞座上有私語聲。卽舉手止之。勿諱。顧書記曰。更宣之。書記曰。第三款。有人見約翰兄弟在水蕩之旁。與一女人款語。女爲閨秀。未經嫁人。有人言。彼作謔浪聲。又有人見此。約翰抱此閨女渡水而去。且樂語。後座中人寂然如死灰。合十祈禱。以目仰天。主座兩眉攢鎖。目光凶漏。言曰。何人爲證。安伯羅司曰。弟子爲證。破佛里馬克兩兄弟。皆目見之。馬克兄弟見狀大驚。發狂病熱未愈。主座曰。彼女人見我廟中道人。作如此違規犯律事。有憐憫之心乎。安伯羅司曰。未也。且笑謝約翰兄弟。弟子亦可爲證。主座抗聲曰。汝亦爲證耶。汝憶否。道院中清規第三十五條。凡學道之人。見女子。卽當低垂其目。汝胡張目見彼穢狀。汝亦忘戒律乎。今罰爾居地室中。食大麥麪包。一禮拜早晚。祈禱倍其晷刻。原告聞嚴譴。卽低其首。不敢更言。主座以獫目視被告。約翰約翰夷然不動。主座曰。約翰兄弟人訟汝以此。汝有詞否。約翰純以英語報曰。我乃無言。道侶中半皆英人。以道院中所未熟聞者。今忽聞之。則皆傾耳而聽。主座大怒。以手按座曰。汝操何音似此俚言。敢在大叢林中出口耶。足知人之溫雅。出諸。

學問非溫雅者。學問決不能深。約翰曰。我未知溫雅。但覺所言卽吾爸爸之所言爾。不許吾言。吾卽不言。主座點首微頓其足曰。此終犯清規。約翰曰。飲酒之時。吾適來自田間渴極。初未著黃。已見瓶底。至於以糠麪包飼我。我固有言似我高大之軀食此。又烏能生彼愚者安伯羅司。我固接之。水中然未傷也。其頭尙居其頸上。若女郎者。我實背之渡水。彼姝衣裙楚楚。渡水防濡。我則雙草履耳。濡足何害。令我見女子。徘徊於渡口。不明助之安名丈夫。主座曰。足矣。汝供詞已具。今但定讞。卽起立兩座。亦皆彼此互視。知神甫怒。不知所以處置此人。將以何律。主座大聲曰。約翰汝入道兩月。開罪纍纍。汝卽不宜著此淨潔道衣。汝心不潔。潔衣何爲。今將汝道衣脫去。逐出玄門。撤去冊上之名。勿令爾更近波婁左右。汚我淨土。老道人聞言。知爲極重之罰。顧自少安穩居此。嘗受安穩之茶飯。入世之苦。如奪其乳哺。此道侶所據。似在沙漠。有泉之地。而世界卽沙漠。其中盜劫之事。足以死人。已望而畏之。獨此犯罪之約翰。則大悅不可止。主座見約翰無慚色。則尤怒。曰。此所罰者靈魂。然軀幹之罰亦不

汝道左右趣傳此人置諸寺外令樵人鞭之約翰曰汝風輩安近老子衣角者苦碎汝禿子之身如碎一卵大聲既發張其巨肺赤髮飛立無一敢前兩行白衣道者爭斜其身以避之如風之壓柳不復敢近主座大怒攘臂而下書記及幾羅姆力挽其臂言曰主座勿怒此人有魔鬼附入其身因曰破佛里及安伯羅司兄弟汝一人往呼磨房中休哥一往呼樵夫瓦忒以兵器來且令其趣來言吾廟中人人性命在呼吸間也此時約翰安能待彼卽揮拳擊安伯羅司安伯羅司並人及小凡皆仆約翰已飛越出甬道司閻者方假寐聞衣角拂過其睫而約翰已高翹其草履向皇家大道而去

第二章

此大叢林中初未嘗經此巨變犯上作亂之事亦無此斗然鬼脫而去主座伯爾格什者果決人也萬不欲恣亂人行爲使號令不行於其下則作簡語謝大衆曰約翰之去只能如上帝罰亞丹夏娃出極樂園我今欲更定法規不爾效尤者將日起道

衆聞主座言。咸俯伏聽誠。主座言後。遣散大衆。遂入道室誦經。以平憤氣。誦經未已。即聞門外有微叩聲。主座以爲亂其梵修。卽起曰。入之。顧一見來人。主座卽易爲怡悅之容。如老父之見愛子。來者爲溫雅白皙。髮作金色。之。少。年。高。逾。中。人。五。官。清。整。眼。光。極。溫。媚。可。人。意。由。此。觀。之。似。此。少。年。生。後。乃。未。覩。人。間。有。悲。歡。離。合。事。第。脣。喻。而。豐。下。則。又。男。子。英。偉。之。觀。非。善。相。人。者。必。不。知。是。人。中。心。之。蓄。有。勇。概。非。常。人。也。所。衣。非。道。衣。但。常。服。惟。顏。色。渾。樸。而。已。腋。下。懸。革。囊。作。旅。行。狀。右。手。執。行。杖。其。端。裹。以。鋼。鐵。左。手。執。不。簷。之。冠。其。上。有。錫。牌。鑄。聖。母。馬。利。亞。象。主。座。曰。孺。子。旣。整。裝。耶。今。日。爲。廟。中。不。幸。之。日。不。十二。點。鐘。中。院。中。毒。草。除。而。名。花。亦。去。少。年。曰。神。甫。過。於。扇。獎。弟。子。矣。果。弟。子。可。以。自。主。則。願。終。身。侍。吾。師。蒲。園。之。下。弟。子。自。有。知。識。以。來。直。以。此。道。院。爲。家。今。日。敢。行。萬。不。能。忍。主。座。曰。人。生。離。合。尋。常。所。有。汝。今。日。之。別。匪。特。汝。心。快。快。卽。吾。道。侶。詎。有一。人。忍。汝。行。者。前。此。愛。得。立。克。檀。那。在。日。道。人。已。夙。有。是。言。言。待。汝。二。十。歲。時。縱。汝。還。俗。汝。出。觀。世。事。後。再。定。去。取。阿。林。今。將。遠。別。試。坐。與。道。人。

語。阿林如大師命。跋踏隅坐。主座立於窗下。窗外日影斜入。抹諸蘆席之上。主座曰。二十年前。若父爲泯斯忒之巨室。以疾卒於家。遂以馬爾烏得腴田三哈。得施之廟中。當時汝方幼冲。若父以之託我。至今若年二十矣。若父之託。爾於我者。以汝母逝世無人鞠。汝亦以若兄凶暴。非克家之子。不足撫。彼幼弟若父又不欲。儘爾生平淪於方外。故遺囑於成人後。仍還俗立家。阿林曰。神甫吾居是間久。學道篤似於俗。非宜。主座曰。爾爲年雖久。尙未受道。卽歸俗間。亦於玄門無礙。汝曾司啟閉之役。阿林曰。然。主座曰。汝曾習去鬼之呪乎。阿林曰。然。主座曰。汝亦講經。柯林曰。然。主座曰。汝曾爲侍者。阿林曰。然。主座曰。以上汝皆爲之。惟未立誓不娶。及不還俗。阿林曰。如神甫言。主座曰。然。則汝儘可更趨紅塵。惟爾未行之先。我尙有問。汝於講經問道外。尙習何技。汝長技。吾亦知能奏雅樂。汝行後。吾廟中少一能手。又聞汝能雕鏤。阿林聞主座盛稱其能。則愧形於色。因曰。能之雕鏤之技。則巴索魯米歐兄弟授我者。凡金銀象牙木質。咸能刊刻。佛藍昔司兄弟。則教弟子以繪事。又授弟子以調色之法。歷

久不變路加兄弟。則授弟子以刺繡。此外則磋磨寶石之工。亦具有微長。主座悅甚。曰。爾懷技良多。卽坎白立次及沃克司福兩處生徒。蘊其所能。亦但類此。惟我恐爾於讀書中趣味不如。藝業之長。阿林曰。弟子果繙於學問。幸蒙書記長老講授。有年於文字亦略通。在文學中曾誦倭坎白拉瓦丁等書。性理之書。則讀登司司各忒司及聖阿圭那昔二卷。主座曰。於切用之學問。曾一窺涉乎。汝望窗外一觀。彼白葛勒夏之樹項。及人家之廚煙。埃埃司海口波光。亦正射眼。阿林聽之。譬從此間以舟對渡。當至何處。阿林以杖畫爐灰作地圖。久乃曰。對渡。則爲英國所屬法國之領土。南向。則赴西班牙。及亞斐利加北趣。則佛藍得即荷。及意昔忒蘭德即丹麥。麥司科。彼得俄。主座曰。然惟汝適言英國之領土。果由領土西向。又爲何地。阿林曰。仍爲法境。方戰爭未定。然循是可及阿尾農名城。彼間卽統天下基督教之皇帝也。主座曰。更西爲何地。阿林曰。西則阿爾藍即德。大羅馬帝國。尙有匈奴人。及立修尼亞牙利。國過此二國。卽君士思丁。及於非聖無法之回回國。主座曰。極西者。又何國。阿林曰。更

西則雅露撒冷聖地矣。其地有河。卽自古時極樂園中流衍而出。即河主座曰。更西之阿林曰。弟子不復能知。或世界之盡處也。首座曰。孺子汝尙未徹過此以西。尙有奇異之國度。曰健婦國。矮人國。女兒國。此國產佳人。而具惡德。經彼一觀。卽立死去。此爲遼金及大漢國。老衲之興地學。曾從一威武將軍。曰約翰曼德米爾者。習之。將軍每至英國。必住廟中。對衆述所經歷之地。每逢演說。吾門弟兄。幾忘飢渴。阿林曰。弟子頗願聞天涯地角之習。尙主座曰。世界中有許事。上帝頗不欲人周知。汝此出長道。漫漫汝當何適。阿林曰。弟子先至泯斯忒。謁我同懷。果阿兄爲暴厲之夫。不尊上帝。則弟子當極諫。俾之引咎。主座曰。若兄惡聲四播。汝果造謁。幸勿以彼醜行腥聞染爾之身。斬汝升遐之路。汝爲上帝卵翼之人。苟有危難。當籲天自拯。且爾一入紅塵。其最宜防者。則婦人之網罟。彼四張五布。一落其中。卽不能脫。汝今且跽待老。衲爲爾祈福。阿林果長跽。主座遂仰天祈禱。乞上帝保護其靈魂。彼今身落黑闇之中。非帝力不足以振救。之讀吉書者。當知此語。之發彼師徒二人。非復兒戲。其在道。

院中久居者深以世界中人類一一皆負重眚靈魂無安謐之時以爲天聽亦至卑
風雨雷電均上帝示威之象但有學道之人上帝命安琪兒時時管領耳阿林得其
師祝福膽力亦壯主座送至樓級之上更爲祝福請九林神道司其出行九林者旅
行神也旣至大門令廟道侶咸集門次送行且人人有贈別之物巴索魯米歐饋以
象牙十牙架路加則饋以刺繡之詩章佛蘭昔司則饋之以所畫羅馬兵殺童子象
阿林盡納故人贈物於革囊中司閻者亦贈以麪包及新釀之麥酒阿林與衆人接
手遂背大廟而行及於歧路中尙回首盼見廟中殿角出諸樹間厯厯猶能辨之
而屋頂似沐浴於斜陽之中厥狀甚潔阿林戀別淚盈於眶昂然上道而去

第三章

夫以二十歲之少年卽有離憂旋亦罷置尙未出波婁鐘聲所及之地阿林神志已
飛越口中噫氣與雀相唱和斜陽一片遠望無邊林僻射光如金線萬道樹頂葉
光爲陽光所逼色作丹紅晚風吹人微有松香之氣尤有小溪蜿蜒沮洳或隱或現

爲纖叢短樹所翳。莫能辨逝去之道。舍樹葉搖風鳴蟬聒耳。一無餘聲。且所見非無生物。時時松鼠竄過路旁。或松梢中野貓露其兇睛。斜睨行人之過其下。或小樹之中野豚竄逐。或小綈鹿羣緩步見有人過。則睜目以望似知有國家刑律爲之保護其身者。阿林一揮其行杖。鹿始恍然知王法尙遠不能趣救其身疾奔而去。阿林此時已出波婁畛域以外。更轉一灣。見斷樹之根。有一人著道衣。如波婁寺中人所著者。阿林於寺中人匪有不識。乃獨昧此人。見此人皺眉四顧。悵惘無可。有時伸拳向彼前路。有時復起立作仆人狀。方其起立。阿林見此人所著道衣甚廓落不稱。衣角埽於地上。欲起而行。而衣仍拂地。行步蹠旅不能進行可數武。復歸而坐。阿林既至其前。此人卽引首問曰。少年朋友。觀爾所著之衣似波婁寺中事君乃未聞。阿林曰。朋友誤矣。吾實生長於寺中。其人曰。確耶。君曾否知寺中有惡道人高碩無倫二手如鐵爪赤髮作牛聲大抵此寺中決無一人似彼。猶惡者。阿林曰。如君言乃大類約翰兄弟。彼詎開罪於君。君胡恨恨不已。其人曰。吾衣乃之爲剝取。都盡以此授我。

我。乃。不。能。步。歸。吾。家。見。吾。妻。妻。將。以。爲。吾。易。彼。衣。出。也。天。乎。吾。何。爲。遇。是。人。耶。阿。林。
見。狀。欲。笑。言。曰。彼。何。爲。如。是。其。人。曰。吾。行。從。是。間。欲。赴。利。明。登。適。遇。此。人。坐。吾。所。坐。
之。處。吾。以。爲。道。人。在。此。誦。經。則。脫。冠。僂。身。而。過。之。道。人。忽。呼。曰。汝。知。吾。禮。拜。寺。新。奉。
教。皇。恩。詔。乎。吾。曰。未。也。彼。於。是。告。我。伯。爾。格。什。長。老。道。行。之。高。爲。教。皇。所。聞。則。以。特。
旨。言。無。論。何。等。人。但。穿。波。婁。道。衣。誦。經。七。徧。靈。魂。卽。升。天。界。我。聞。言。卽。跪。於。地。中。與。
借。道。衣。彼。先。不。可。吾。施。三。金。馬。克。爲。老。羅。司。聖。象。塗。金。之。用。彼。方。首。肯。然。彼。脫。衣。時。
言。曰。吾。去。道。衣。則。短。衣。赤。足。聞。爾。誦。經。將。爲。上。帝。所。怒。命。我。以。衣。借。之。吾。衣。不。適。其。
體。迨。著。後。語。我。曰。善。護。我。衣。吾。誦。經。未。二。徧。此。道。人。已。飛。越。而。去。吾。得。此。衣。似。以。人。
納。諸。巨。囊。之。中。力。追。不。能。及。僅。能。坐。於。是。間。無。術。自。救。阿。林。曰。朋。友。勿。怒。汝。於。左。近。
有。相。識。之。人。能。假。汝。以。衣。乎。其。人。曰。相。識。固。多。去。此。亦。非。遠。第。不。能。以。道。衣。臨。門。且。
吾。友。之。妻。尤。長。舌。爲。其。喧。傳。我。實。無。顏。自。生。果。先。生。能。爲。行。此。兩。箭。之。路。向。吾。友。假。
衣。此。恩。當。不。敢。忘。阿。林。曰。此。奚。不。可。其。人。曰。君。左。趣。有。一。小。道。右。嚮。者。卽。沿。是。行。有。